

**Мемлекеттік қызмет істері және сыбайлас жемқорлыққа қарсы іс-қимыл жөніндегі уәкілетті органның Тәртіптік комиссиясы туралы Ережесін бекіту туралы**

*Күшін жойған*

Қазақстан Республикасы Мемлекеттік қызмет істері және сыбайлас жемқорлыққа қарсы іс-қимыл агенттігі Төрағасының 2014 жылғы 31 желтоқсандағы № 89 бұйрығы. Қазақстан Республикасының Әділет министрлігінде 2015 жылы 4 ақпанда № 10180 тіркелді. Күші жойылды - Қазақстан Республикасы Мемлекеттік қызмет істері министрінің 2016 жылғы 26 сәуірдегі № 87 бұйрығымен

**Ескерту. Күші жойылды - ҚР Мемлекеттік қызмет істері министрінің 26.04.2016 № 87 (алғашқы ресми жарияланған күнінен бастап қолданысқа енгізіледі) бұйрығымен.**

Қазақстан Республикасы Президентінің 1999 жылғы 31 желтоқсандағы № 321 Жарлығымен бекітілген Қазақстан Республикасының мемлекеттік әкімшілік қызметшілеріне тәртіптік жаза қолдану ережесінің 6-тармағына сәйкес,  
**Б Ұ Й Ы Р А М Ы Н :**

1. Қоса берілген Мемлекеттік қызмет істері және сыбайлас жемқорлыққа қарсы іс-қимыл жөніндегі уәкілетті органның Тәртіптік комиссиясы туралы Ережесі бекітілсін.

2. «Мемлекеттік қызмет істері жөніндегі уәкілетті органның Тәртіптік комиссиясы туралы Ережесін бекіту туралы» Қазақстан Республикасы Мемлекеттік қызмет істері агенттігі төрағасының 2013 жылғы 25 желтоқсандағы № 06-7/189 бұйрығының (Нормативтік құқықтық актілердің мемлекеттік тізілімінде № 9097 тіркелген, 2014 жылғы 8-ақпандағы № 27 (28251) «Егемен Қазақстан» газетінде жарияланған) күші жойылды деп танылсын.

3. Қазақстан Республикасының Мемлекеттік қызмет істері және сыбайлас жемқорлыққа қарсы іс-қимыл агенттігінің Мемлекеттік қызмет және сыбайлас жемқорлық профилактикасы департаменті (Ә.А. Көмекбаев) осы бұйрықты Қазақстан Республикасы Әділет министрлігінде мемлекеттік тіркеуді және Қазақстан Республикасының заңнамасында белгіленген тәртіппен оны ресми жариялауды қамтамасыз етсін.

4. Осы бұйрық алғаш ресми жарияланған күнінен бастап қолданысқа енгізіледі.

*Төраға*

*Қ. Қожамжаров*

Қазақстан Республикасының  
Мемлекеттік қызмет істері  
және сыбайлас жемқорлыққа  
қарсы іс-қимыл жөніндегі  
агенттігі Төрағасының  
2014 жылғы 31 желтоқсандағы  
№ 89 бұйрығымен бекітілді

**Мемлекеттік қызмет істері және сыбайлас жемқорлыққа қарсы  
іс-қимыл жөніндегі уәкілетті органның  
Тәртіптік комиссиясы туралы  
Ереже**

**1. Жалпы ережелер**

1. Мемлекеттік қызмет істері және сыбайлас жемқорлыққа қарсы іс-қимыл жөніндегі уәкілетті органның Тәртіптік комиссиясы туралы Ережесі (бұдан әрі – Ереже) Қазақстан Республикасы Президентінің 1999 жылғы 31 желтоқсандағы № 321 Жарлығымен бекітілген Қазақстан Республикасының мемлекеттік әкімшілік қызметшілеріне тәртіптік жаза қолдану қағидаларына сәйкес әзірленді (бұдан әрі - Қ а ғ и д а л а р ) .

2. Мемлекеттік қызмет істері және сыбайлас жемқорлыққа қарсы іс-қимыл жөніндегі уәкілетті органның Тәртіптік комиссиясы (бұдан әрі – Комиссия) – Қазақстан Республикасының Мемлекеттік қызмет істері және сыбайлас жемқорлыққа қарсы іс-қимыл агенттігінде (бұдан әрі - Агенттік) тәртіптік жауапкершілікке әкеп соғатын, сыбайлас жемқорлық құқық бұзушылығын жасаған, сондай-ақ Қазақстан Республикасы мемлекеттік қызметшілерінің Ар-намыс кодексін (Мемлекеттік қызметшілер қызмет этикасының қағидалары) ( бұдан әрі – Ар-намыс кодексі) бұзуға жол берген В-1, С-1, С-2 санаттарындағы қызметшілерге қатысты тәртіптік істерді қарау үшін құрылатын тұрақты алқалы о р г а н .

3. Комиссия өзінің қызметінде Қазақстан Республикасының Конституциясын, Қазақстан Республикасының «Мемлекеттік қызмет туралы», «Сыбайлас жемқорлыққа қарсы күрес туралы» заңдарын, Қазақстан Республикасының басқа нормативтік құқықтық актілерін, сондай-ақ осы Ережені басшылыққа алады.

**2. Комиссияның негізгі функциялары**

#### 4. Комиссияның негізгі функцияларымен:

1) осы Ереженің 2-тармағында көрсетілген мемлекеттік қызметшілерді (бұдан әрі - қызметші) тәртіптік жауапкершілікке тарту жөніндегі мемлекеттік орталық органдарының басшылары атына ұсыныстар әзірлеу және тәртіптік істерді қ а р а с т ы р у ;

2) мемлекеттік тәртіпті нығайту, мемлекеттік органдардың мемлекеттік қызметшілерімен мемлекеттік қызмет туралы заңнама және сыбайлас жемқорлыққа қарсы күрес заңнаманың талаптарын сақталуын қамтамасыз ету жөнінде нұсқаулар мен ұсыныстар әзірлеу;

3) мемлекеттік әкімшілік қызметшілердің тәртіптік істерді қарастыру жөніндегі мемлекеттік органдарының тәртіптік комиссияның жұмысын үйлестіру б о л ы п т а б ы л а д ы .

#### 5. Комиссия функцияларын жүзеге асыру мақсатында:

1) өзінің мәжілістерінде мемлекеттік орталық органдардың, олардың ведомстволарының басшыларын тыңдайды;

2) құқық қорғау және басқа мемлекеттік органдардан, ұйымдардан құжаттарды және ақпаратты сұратады;

3) орталық мемлекеттік органдарына (Қазақстан Республикасының Президентіне тікелей бағынатын және есеп беретін құқық қорғау және арнаулы мемлекеттік органдар мен Қазақстан Республикасының Қорғаныс министрлігінен басқа) қызметшілерімен сыбайлас жемқорлыққа қарсы күрес заңнаманың және Ар-намыс кодекстің талаптарын бұзу фактілері бойынша Қағидалардың талаптарына сәйкес тексеру немесе қызметтік тексерістер жүргізу туралы ұсыныстар енгізеді.

### 3. Комиссияның жұмысын ұйымдастыру

6. Комиссияның жеке құрамы Агенттіктің Төрағасымен бекітіледі және Комиссияның дербес құрамы Төрағадан, Төрағаның орынбасарынан және 5-тен кем емес мүшеден тұрады .

Комиссияның құрамына орталық мемлекеттік органдарының басшылары (орынбасарлары), соның ішінде, құқық қорғау органдарының мүшелері, Қазақстан Республикасының Парламенті депутаттары, үкіметтік емес ұйымдарының өкілдері және Қазақстан Республикасының заңнамасында белгіленген тәртіпте аккредиттелген бұқаралық ақпарат құралдарының өкілдері к і р е д і .

7. Комиссияның Төрағасы Агенттік Төрағасының орынбасары болып т а б ы л а д ы , о л :

1) Комиссияны басқарады, оның жұмысын басшылыққа алуын іске асырады

және

ұйымдастырады;

2) Комиссия мәжілісінің күн тәртібін анықтайды;

3) Комиссия мәжілісін шақыртады және онда төрағалық етеді;

4) Комиссия мәжілісінде қаралатын нақты мәселе бойынша баяндаушыны анықтайды;

5) Комиссияның құзыреті шегінде тәртіптік іс қозғайды;

6) Комиссияның жабық мәжілісін өткізу туралы шешім бекітеді.

Комиссияның Төрағасы жоқ болған кезде, оның уәкілдігі бойынша мәжілістерде Комиссия Төрағаның орынбасары төрағалық етеді.

8. Осы Ереженің 2-тармағында көрсетілген қызметшілер Комиссиямен қабылдаған шешіммен келіспеген жағдайда оған Қазақстан Республикасының заңнамасына сәйкес шағым беруге құқылы.

9. Комиссияның жұмыс органы Агенттіктің Мемлекеттік қызмет және сыбайлас жемқорлық профилактикасы департаментінің Тәртіптік-әкімшілік тәжірибе мен мемлекеттік қызмет көрсету басқармасы (бұдан әрі - Басқарма) болып табылады.

10. Комиссияның хатшысы Агенттік Басқармасының қызметкері болып табылады.

Комиссияның хатшысы:

1) Комиссияның отырыс хаттамасын жүргізеді;

2) Комиссияның шешімін тиісті мемлекеттік органға жолдайды;

3) Комиссияның іс жүргізуін қамтамасыз етеді.

11. Комиссия Төрағасының қолымен қойылатын Комиссияның шешімі хаттамамен ресімденеді және оның қабылданған күнінен бес күн мерзімінде тиісті мемлекеттік органдарға және ұйымдарға таратылады.

12. Комиссияның мүшелерін Комиссияның жұмыс органы мәжіліске үш күн мерзіміне дейін мәжілістің жүргізу орны, күні, оның күн тәртібі туралы хабарланады және таныстырылады.

13. Комиссияның мәжілісі:

1) Комиссия мүшелерінің жалпы санының үштен екісі қатысып отырса заңды деп саналады;

2) қажеттілігіне қарай өткізіледі;

3) қажет болған жағдайда, егер мәселелерді қарастыру мемлекеттік құпияны қозғайтын болса, онда Комиссия төрағасының шешімімен жабық отырыстар өткізіледі.

14. Комиссияның шешімдерін мәжіліске қатысушы Комиссия мүшелерінің жалпы санының қарапайым басым дауысымен қабылданады. Дауыстар тең болған жағдайда төрағалық етушінің дауысы шешуші дауыс болып табылады.

15. Қызметшінің теріс қылық жасауы туралы мәліметтер: жеке және заңды

тұлғалардың өтініштері, құқық қорғау және өзге мемлекеттік органдардың материалдары, бұқаралық ақпарат құралдарындағы жарияланымдар, мемлекеттік органдардың құрылымдық бөлімше басшыларының қызметтік жазбахаттары және өзге де материалдар болып табылады.

16. Қозғалған тәртіптік іс үш апта ішінде қаралады.

Тәртіптік іс қызметшінің уақытша еңбекке жарамсыздығы, оның демалыста немесе іссапарда болу кезеңінде тоқтатыла тұрады.

17. Тәртіптік іс Комиссияның отырысында қаралғанға дейін оның хатшылығы тексеру немесе қызметтік тексеру жүргізеді, оның барысында іске қатысы бар мән-жайлар мен мәліметтер зерделенеді, тәртіптік жауаптылыққа тартылатын адамдардан жазбаша түсініктемелер талап етіледі.

18. Қызметшілердің тәртіптік теріс қылықтары фактілері бойынша қызметтік тексерулер мемлекеттік қызмет істері және сыбайлас жемқорлыққа қарсы іс-қимыл жөніндегі уәкілетті орган (бұдан әрі - уәкілетті орган) басшысының бұйрығымен тағайындалады және осы Қағидаларда белгіленген мерзімде және тәртіппен уәкілетті органның лауазымды адамдары жүргізеді.

19. Хатшылық тәртіптік жауапкершілікке тартылатын адамдарды Комиссия отырысының орны мен өткізілетін уақыты туралы хабарландыру жөнінде ш а р а л а р қ а б ы л д а й д ы .

Тәртіптік Кеңестің отырысында тәртіптік іс, егер тәртіптік жауапкершілікке тартылатын адамдар отырыс өткізілгенге дейін үш күн бұрын тиісінше хабарландырылса, олардың қатысуынсыз қаралуы мүмкін.

Осы Ережеде тиісінше хабарлау деп оның тікелей өзіне немесе онымен бірге тұрып жатқан кәмелетке толған отбасы мүшелерінің біріне қолы қойылып, хатпен, тапсырыстық хатпен немесе жеделхатпен табыс етілген хабарлама т а н ы л а д ы .

20. Тәртіптік істі қарау қорытындылары бойынша Комиссия мынадай шешімдердің бірін шығарады:

1) тәртіптік жазаны қолданудың және оның түрі туралы ұсынысты тиісті мемлекеттік органның басшысына жолдау туралы;

2) осы Ереженің 21-тармағында көрсетілген жағдайларда тәртіптік істі т о қ т а т у т у р а л ы ;

3) мемлекеттік қызметшінің іс-әрекеттерінде қылмыс белгілері немесе әкімшілік құқық бұзушылықтар болған жағдайда құжаттар мен материалдарды тиісті құқық қорғау органдарына немесе басқа уәкілетті органына жолдау туралы .

21. Келесі жағдайларда тәртіптік іс тоқтатылады:

1) мемлекеттік қызмет туралы заңнамамен қарастырылған тәртіптік жаза қолданудың мерзімдері өткенде;

- 2) тәртіптік іс негізсіз қозғалғанда;
- 3) тәртіптік теріс қылық құрамы болмағанда.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ